

**AKT THEMELIMI  
DHE  
STATUTI I SHOQËRISË**

**“CASHBACK ALBANIA” SHPK**



*Handwritten signature*

## **OBJEKTI I AKTIVITETIT**

Ofrimi i shërbimeve të publicitetit dhe marketingut të të gjitha formave, përfshirë këtu edhe publiciteti e marketingu duke përdorur metoda inovative, të komunikimit në distancë, të përdorimit të teknologjive të reja, të mediave të reja, të mediave tradicionale, të telefonisë e cdo mënyre tjetër të ligjshme. Shitje online, mbledhja dhe përpunimi e menaxhimi i të dhënave, realizimi i sondazheve e studimeve të ndryshme. Krijimi, mirëmbajtja dhe menaxhimi i faqeve të internetit për të tretë, përfshirë shoqëri tregtare vendase dhe të huaja. Veprime financiare. Krijim programesh softuerike. Shoqëria mund të kryejë çfarëdo veprimtarie tjetër që lejohet nga legjislacioni në fuqi i Republikës së Shqipërisë.

## **STATUTI I SHOQËRISË "Cashback Albania" SHPK**

Titulli, Data e themelimit, Emërtimi, Objekti, Kohëzgjatja, Zyra Qëndrore, Forma e shoqërisë, Vula e shoqërisë.

### **Neni 1**

#### ***Data e themelimit, Emërtimi dhe Themeluesit***

Shoqëria "Cashback Albania" SHPK krijohet në date 10.02.2021 nga ortaku si më poshtë :

Artan Zhiva, i datëlindjes 11 Nëntor 1971, banues ne Pogradec, Rruga Reshit Çollaku , Nd 60, Lagjia 2, madhor, me zotësi të plotë juridike dhe për të vepruar, identifikuar me kartë identiteti me 035875665

### **Neni 2**

#### ***Personaliteti juridik***

2.1 Shoqëria është person juridik shqiptar.

2.2 Shoqëria gëzon të drejta si person juridik shqiptar, që prej datës në të cilën kryhet regjistrimi i saj në Qendrën Kombëtare të Biznesit.

2.3 Shoqëria e ushtron aktivitetin e saj në përputhje me legjislacionin shqiptar dhe me dispozitat e parashikuara në dokumentet themeluese (Akt Themelimi dhe Statut).



*[Handwritten signature]*

### **Neni 3**

#### ***Forma e shoqërisë***

3.1 Shoqëria do të ketë formën e shoqërisë me përgjegjësi të kufizuar, deri sa me vendim të Asamblesë së Përgjithshme të vendoset shndërrimi i formës ligjore.

### **Neni 4**

#### ***Objekti***

4.1 Shoqëria "Cashback Albania" SHPK do të ketë si objekt të veprimtarisë:

- Marketing online dhe të gjitha format moderne dhe tradicionale të marketingut, shitje, blerje online, ndërtim programesh kompjuterike, mbledhja dhe përpunimi e menaxhimi i të dhënave etj.
- Çdo veprim tjetër financiar e tregtar që lidhet në mënyrë të drejtpërdrejtë ose tërthorazi me objektin e veprimtarisë dhe që është në përputhje me legjislacionin në fuqi.

### **Neni 5**

#### ***Kohëzgjatja***

5.1 Shoqëria "Cashback Albania" SHPK kryen veprimtarinë e saj tregtare për një periudhë kohore të pacaktuar derisa të vendoset ndryshe nga Asambleja e Përgjithshme.

5.2 Shoqëria fiton personalitetin juridik në datën e regjistrimit në Qendrën Kombëtare të Biznesit dhe nga kjo datë ajo mund të fillojë të ushtrojë aktivitetin tregtar deri kur me një vendim të Asamblesë së Përgjithshme të vendoset prishja e shoqërisë ose kur shoqëria mbaron në një nga mënyrat e parashikuara në ligjin "Për tregtarët dhe shoqëritë tregtare".

### **Neni 6**

#### ***Selia***

6.1 Selia kryesore e shoqërisë do të jetë në Pogradec, Lagjia 2, Rr Reshit Collaku, Pall 60.

Me vendim të Administratorit selia e shoqërisë mund të ndryshohet, mund të hapen degë, dhe zyra përfaqësimi të saj brenda dhe jashtë Shqipërisë.



## Neni 7

### *Vula e Shoqërisë*

7.1 Shoqëria do të ketë vulën e saj duke shënuar në të emërtimin tregtar ose iniciale.

## Neni 8

### *Kapitali Themeltar*

8.1 Kapitali themeltar i shoqërisë do të jetë 100,000 (Një qind mijë) Lekë, i zotëruar nga ortakët si më poshtë:

Emri, Mbiemri .....ARTAN ZHIVA

Përqindja që zotëron ..... 100 %

Kuotat që zotëron .....1 kuotë

8.2 Ky kapital është i ndarë në 1 (një) kuotë të zotëruar 100% nga ortaku i vetëm sipas tabelës më sipër. Ortaku themelues Artan Zhiva, zotëron 1 kuotë, me vlerë të përgjithshme 100,000 Lekë, që përbën 100 % të kapitalit themeltar.

8.3 Kapitali themeltar do të depozitohet në një Bankë në Shqipëri me një llogari të hapur në emër të shoqërisë në formim e sipër ose në arkën e shoqërisë.

## Neni 9

### *Kuotat, të drejtat e lidhura me to*

9.1 Çdo kuotë jep të drejtën e një vote për të marrë vendime sipas ligjit nr. 9901, datë 14.04.2008 "Për Tregtarët dhe Shoqëritë Tregtare". Të gjitha votat do të ushtrohen nga ortakët sipas zotërimeve.

## Neni 10

### *Kuotat, Fitimi, Transferimi i kuotave*

10.1 Kuotat e kapitalit të shoqërisë mund të fitohen nëpërmjet kontributit në kapitalin e shoqërisë, shitblerjes, trashëgimisë, dhurimit, apo cdo mënyre tjetër të parashikuar me ligj.





## Neni 11

### ***Asambleja e Përgjithshme. Thirrja e mbledhjes. Marrja e vendimeve. E drejta e votës***

11.1 Asambleja e Përgjithshme, si organ kryesor i shoqërisë sipas ligjit "Për Tregtarët dhe shoqëritë tregtare" përfaqësohet në këtë shoqëri nga ortakët.

11.2 Asambleja e Përgjithshme thirret me shkresë jo më vonë se 7 (shtatë) ditë përpara datës së mbledhjes, në adresat e përcaktuara në dispozitën "Njoftimet" më poshtë.

Njoftimi duhet të përmbajë: ditën, orën, vendin ku do të mbahet mbledhja si dhe rendin e ditës. Njoftimi bëhet nga Administratori i shoqërisë apo nga cdo ortak i cili përfaqëson të paktën 5% (pesë përqind) të totalit të votave në Asamblenë e Përgjithshme.

11.3 Asambleja e Përgjithshme duhet të thirret të paktën një herë në vit për të vendosur për çështje të tilla si miratimi i bilancit dhe pasqyrave financiare, miratimi i raportit të auditimit të shoqërisë.

11.4 Mbledhjet mbahen në selinë e shoqërisë, apo edhe në një vend tjetër të njohur nga ortaku i vetëm.

11.5 Vendimet merren nga Asambleja e Përgjithshme.

## Neni 12

### ***Kompetencat e Asamblesë***

12.1 Asambleja e Përgjithshme është kompetente për marrjen e vendimeve për shoqërinë në lidhje me çështjet e mëposhtme:

1. Përcaktimin e politikave tregtare të shoqërisë;
2. Ndryshimin e Statutit;
3. Emërimin/shkarkimin e Administratorit, ekspertëve kontabël, likuidatorëve;
4. Mbikqyrjen e zbatimit të politikave tregtare nga Administratorët përshirë përgatitjen e pasqyrave financiare vjetore dhe të raporteve të ecurisë së veprimtarisë;
5. Miratimin e pasqyrave financiare dhe të raporteve të ecurisë së veprimtarisë;
6. Shpërndarjen e fitimeve vjetore dhe mbulimin e humbjeve;
7. Kryerjen e kontroll-revizionit financiar të shoqërisë me ekspertë të caktuar prej saj;



8. Të vendosë për zmadhimin dhe zvogelimin e kapitalit;
9. Të vendosë për riorganizimin dhe prishjen e shoqërisë;
10. Çështje të tjera që janë të rëndësishme për aktivitetin tregtar të shoqërisë.

### **Neni 13**

#### ***Përfaqësimi në Asamble***

13.1 Ortaku mund të përfaqësohet në mbledhje, në rastet kur e ka të pamundur pjesëmarrjen personalisht në mbledhje, nga një person i tretë ose edhe nga një ortak tjetër shoqërie. Autorizimi duhet të ketë të përcaktuar qartë kompetencat e perfaqësuesit si dhe të drejtat e tij lidhur me vendimarrjen në mbledhje.

### **Neni 14**

#### ***Administrimi i shoqërisë***

14.1 Shoqëria administrohet nga një Administrator i zgjedhur nga Asambleja e Përgjithshme. Administrator i shoqërisë do të jetë Artan Zhiva, banues në Pogradec, adresa Lagjia 2, Rr. Reshit Collaku, Pall 60, me nr leternjoftimi 035875665 . Afati i ushtrimit të detyrës është 5 (pesë) vjet me të drejtë ripertëritje.

### **Neni 15**

#### ***Të drejtat dhe detyrimet e Administratorit. Përgjegjësitë***

15.1 Administratori ushtron kompetencat e mëposhtme:

1. Kryen të gjitha veprimet e administrimit të veprimtarisë tregtare të shoqërisë duke zbatuar politikën tregtare të vendosura nga Asambleja e Përgjithshme;
2. Vepron me të tretët në emër dhe për llogari të shoqërisë brenda kompetencave të parashikuara në statut apo/dhe në ligjin "Për tregtarët dhe shoqëritë tregtare".
3. Kryen emërimin dhe shkarkimin nga puna të punëmarrësve të shoqërisë.
4. Jep urdhra dhe udhëzime punëmarrësve dhe vendos sanksione ndaj tyre, në përputhje me kontratat e punës dhe rregulloret e brendshme të shoqërisë;
5. Drejton dhe organizon punën në mënyrë të tillë që të sigurojë suksesin e shoqërisë në veprimtarinë e saj ekonomiko-financiare;



6. Të raportojë para Asamblesë së Përgjithshme sa herë që Asambleja e kërkon si dhe në rastet kur është i nevojshem raportimi në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare.

7. Të zbatojë vendimet e marra nga Asambleja e Përgjithshme;

8. Ti paraqesë në mënyrë të rregullt dhe në kohë të përshtatshme Asamblesë së Përgjithshme, raportin e administrimit, inventarit, bilancin dhe llogaritë vjetore si dhe të përgjigjet për to.

9. Të ushtrojë të drejta dhe detyrime të tjera të percaktuara nga ligji Nr. 9901, date 14.04.2008 "Për tregtarët dhe shoqëritë tregtare".

10. Administratori është përgjegjës ndaj shoqërisë ose ndaj të tretëve, për shkelje të ligjit dhe statutit dhe për faje të kryera gjatë administrimit sipas parashikimit të ligjit nr. 9901 "Për tregtarët dhe shoqëritë tregtare" dhe ligjeve të tjera në fuqi.

## **Neni 16**

### ***Mbarimi i mandatit të Administratorit***

16.1 Mandati i Administratorit përfundon:

-Me mbarimin e afatit;

-Me shkarkimin e tij nga Asambleja e Përgjithshme;

-Kur vetë Administratori jep dorëheqjen vullnetarisht.

-Sipas mënyrave të tjera parashikuara nga ligji "Për tregtarët dhe shoqëritë tregtare".

## **Neni 17**

### ***Viti Financiar***

17.1 Veprimet financiare mbyllen më 31 dhjetor të çdo viti. Administratori merr masa lidhur me nxjerrjen e bilancit të hartuar konform ligjit mbi kontabilitetin dhe pasqyrat financiare.

## **Neni 18**

### ***Mbarimi i Shoqërisë***

18.1 Shoqëria "Cashback Albania" SHPK mbaron:

1. Me vendim të Asamblesë së Përgjithshme;

2. Me hapjen e procedurave të falimentimit;

3. Sipas shkaqeve të tjera të parashikuara nga ligji "Për Tregtarët dhe Shoqëritë Tregtare".





## **Neni 19**

### ***Njoftimet***

19.1 Njoftimi për ortakun duhet të kryhet sipas adresës së përcaktuar në Nenin 6 të këtij statuti.

19.2 Ortaku është i detyruar të njoftojë ndryshimet në adresën e tij.

## **Neni 20**

### ***Të ndryshme***

20.1 Për çështje që nuk parashikohen dhe rregullohen shprehimisht nga ky statut, gjejnë referim dispozitat e Ligjit Nr. 9901, date 14.04.2008 "Për tregtarët dhe shoqëritë tregtare".

20.2 Shoqëria "Cashback Albania" SHPK regjistrohet sipas neneve 26, 28, 32 e 35 të ligjit nr. 9723, datë 03.05.2007 "Për Qendrën Kombëtare të Biznesit"

20.3 Statuti u hartua në 3 (tre) kopje në gjuhën shqipe me vlerë të njëjtë juridike.

**THEMELUES**

**ARTAN ZHIVA**

